



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Quæ in hoc vltimo tractatu præstita. cap. XLI.

urn:nbn:de:hbz:466:1-38397

Ermenigildus Comes, Hispanus, cum uxore, fit monachus So-
bradi, anno 924.

Barones, & Baronissa, cum eorum liberis, Monachi.

Cap. XL.

Abusini Barones.



MARGARETA, Ioannis II. filia, anno Domini cir-
ter 1390. sanctimonialis Pilhouiz.

Grimberga Barones.

Antonius, Ioannis filius, monachus & Abba
Dini Bertini, in oppido S. Audomari, an. 1400.

Maria, Abbatissa Cameræ iuxta Bruxellam & N.
Anonyma, Abbatissa Bethaniæ, prope Mechliniam, Cornelij Baro-
nis filia, vixere anno 1410.

Hieronymus, Georgii filius, Abbas D. Vuinnoci Bergis Flandrie.
obiit anno 1575.

Maria, monialis Cameræ; Margareta, monialis in Herquens; &
Maximiliana monialis Vorstii, Ferrici Baronis filia, floruerunt, 1570.

Que in hoc ultimo tractatu præstita. Cap. XLII.



VA ratione, præfens hic tractatus Alphabeti
Dominii ordine descriptus sit, in prologo libelli
etum. Restant nunc nonnulla, de quibus benigni
Lectorem præmonere volumus, nam qui plura
scribit, multis quoque satis facere conuenit. Pre-
sens ergo & ultimus hic tractatus, confuso quodam

ordine plurimos Principes viros, tam certæ, quam in ætate præde-
finitionis, continet, omnes, ut putamus, Benedictinos: Dubitamus ne-
que de nonnullis, paucis attamen, qui post annum 1220. videlicet
post Mendicantium Ordines suscitatos, uixisse perhibentur, utrum
nostri, aut potius alterius ordinis fuerint. Si quem diuersum a no-
stris quis reppererit, eius erit, pro sua humanitate, annotare. Non-
nulla etiam conuicia olim fuisse Benedictina, quæ nunc sunt Cister-
tiensia, & e conuerso, à nobis non ignoratum; sed cum permone-
re

his tempus nobis non constet, primæ foundationis initia retinuimus
 tam parum referat Benedictina sint, an Cisterciensia, utroque Or-
 dine sub vexillo S. P. N. Benedicti militante. Vita eorundem ratio
 duabus ex causis, prætermittitur, cum, quod illas eorum genealogiæ
 magna ex parte recitent; tum etiam, quod cum in iisdem multo-
 rum nuda tantum nomina recitentur, quid aliud, præter ingressum
 in religionem, gesserint, ignoratur. Plures non apposuisse impos-
 sibilitatis quidem non fuit, cum de multis alijs qui hic prætermit-
 tuntur agant & Bugianus, & Morigia, sed uoluntatis. Sola namque
 nuda nomina aliorum minorum Principum & Dominorum inte-
 rere, non tam fructuosum, ob eorum multitudinem, esset, quam tæ-
 diolum; ideoque illis omiſſis qui ab alijs, ut notiores, recitantur,
 magis ignoti, & qui ob librorum carentiam, uel linguarum diuersa-
 rum imperitiam, in omnium manibus libere versari non possunt,
 à nobis hic appositi, alijs fortassis de alijs quoque dicturi. Plures
 requiritibus, erunt nostri præcedentes libri, in quibus de multis
 alijs Principibus uiris actum, qui in hoc tractatu non repetuntur.
 Auctores ex quibus desumpti, omiſsi, cum ratione tamen, nam bre-
 uitati studentes superfluum, imo inconueniens, uidebatur, longio-
 rem Monachismi auctoritatem adducere, quàm foret ipse Mona-
 chismi textus. Sunt tamen, si quis eorum desiderio teneatur, no-
 ster Tritemius, Pontus Heuterus, Franciscus Belforestius, Ioannes
 Bouchet, Polydorus Virgilius, Philbertus Pingonius, Rerum Hi-
 spanicarum, Germanicarum, Hungarorum, Polonorum, Boiemorū,
 & Anglorum scriptores, qui his nostris temporibus maximo rei
 literariæ fructu, ad studiosorum commoditatem, ex multis in unū
 corpus coaluerunt: nonnullique tam Gallici, quàm Hispanici scri-
 ptores, qui lingua patria scripsere: necnon & plurimi alii, qui Ge-
 nealogijs describendis famam suam posteritati consecrarunt. Ratio
 temporum, ubi licuit, exactè examinata; ubi defuit, silentio præ-
 terita; nec inconsiderate, cum omnes qui tempore carent, longe post
 æratem S. P. N. Benedicti claruerint. Armorum siue stemmatum
 gentiliū causa, in Reginis, filiis, & filiabus Imperatorum, & Re-
 gum, matres eorum, ea qua potuit fieri diligentia, adnotatæ (alia
 enim stemmata, ut uerbi gratia dicam, gestare debent, Mathildis,
 Sophia, & Adelheidis, Ottonis II. Imperatoris, ex matre Theopha-
 no Constantinopolitana, filiæ: & alia Iuditha, eiusdem Imperato-
 ris filia, ex Anna Austriaca matre) quod ipsum licet fieri hic debuif-
 set, omiſsum attamen, cum lectoris diligentia illud per se supplere
 sufficiat.

